

glichen werde: Nachmals auch einer Haußfrawen/
Dann wie die elbige/ also ist auch die Kunst eines je/
den/ der sie gelehrt/ eygenthumb/ als die er zu seinem
nutz vnd notturfft anwendet vnd gebraucht. Auff
solche weise mag auch fernner gedeutet werden/ so etwa
einem seine Freunde vñ gute Gönner im Traum für/
kommen: Welche so sie frölich erscheinen/ verkünden
sie freud vnd wollust/ So sie aber trawrig/ bedeut es
gleiches falls auch leyd vnd bekümmernuß.

Gleichermaßen pflegt es mit denen/ so die alten/ wie
zuvor gesagt/ gemeyne Träum genennet/ zugeschehen/
Vnter welchen vil seynd/ deren bedeutung vnd auß/
gang/ als er ihrer anzeigunge nach/ mit allein auff den/
so den Traum gehabt/ sonder auch denjenigen so im
Traume ihm für kommen/ solte gelauret haben/ eins
andere erweisen vnd einem allein vnter ihnen wider/
fahren vnd begegnet.

Gleichwol so haltet sichs mit dem ersten Geschläch/
te/ das ist/ den eygenen Träumen/ gemeyniglich also/
wie sie die Alten vnterscheyden vnd gedeutet/ Welches
mit den vbrigen vier Geschlächten gar selten geschicht/
vnd dieweil derselbigen vil einen solchen außgang/
wie wir hievor gemeldet/ erzeychen/ machen sie hiemit
auch die/ auff welcher bedeutunge wir solcher gestalte
etwa vil möchten halten/ mit einander zweiffelig vnd
vngewiß/ Derwegen müssen wir auff folgende weise
zu vnterscheydung der Träume einen vberrüglichen
vnd richtigen weg treffen vnd eingehen.

Alle Träume/ die sich auff keine andere person er/
recken/ sonder begreifen denjenigen allein der sie sie/
het/ vnd mögen ohne andere Leute hülffe oder zu/
thun/ von diesem allein vollbracht werden/ mögen
auch auff niemand anders/ denn auff disen gedeutet
oder

oder